

Bosna i Hercegovina
Federacija Bosne i Hercegovine
Tuzlanski kanton
Grad Tuzla



Služba za ekonomski razvoj, poduzetništvo i poljoprivredu

Broj: 04-11-A- /2022

Tuzla, 07.09.2022. godine

PREDMET: Program raspodjele sredstava za podršku projekata organizacija iz oblasti poljoprivredne proizvodnje, za 2022. godinu;

U Budžetu Grada Tuzla za 2022. godinu, na poziciji „Grant organizacijama iz oblasti poljoprivredne proizvodnje“, planirana su sredstva u iznosu od 20.000,00 KM.

Članom 21. Odluke o izvršavanju Budžeta Grada Tuzla za 2022. godinu („Službeni glasnik Grada Tuzla“, broj: 13/21), utvrđeno je da se sredstva na navedenoj poziciji raspoređuju na osnovu programa raspodjele sredstava, donesenih od Pomoćnika gradonačelnika za Službu za ekonomski razvoj, poduzetništvo i poljoprivredu, u skladu sa kriterijima, u ovom slučaju, utvrđenim važećom Odlukom o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 1/19, 7/20 i 5/21), (u daljem tekstu: Odluka).

Odlukom su određeni uslovi, način i kriteriji raspoređivanja sredstava Budžeta Grada Tuzla koja se dodjeljuju za podršku projekata neprofitnih organizacija (udruženja i fondacija), koji se kandiduju putem javnog poziva, tako su u Budžetu Grada Tuzle za 2022. godinu namjenski planirana i pozicionirana sredstva Grant organizacijama iz oblasti poljoprivredne proizvodnje.

Na osnovu člana 4. ove Odluke donesen je Program utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije - Grant organizacijama iz oblasti poljoprivredne proizvodnje – ekonomski kod 614311/17, za 2022. godinu, broj: 04/11-10401-2022, od 21.06.2022. godine, kojim su, između ostalog, određena sektorska područja, odnosno prioritete podoblasti, prihvatljive aktivnosti i fokus projekata neprofitnih organizacija koji se kandiduju putem javnog poziva, ciljne grupe prema kojim su usmjerene projektne aktivnosti, minimalni i maksimalni iznos pojedinačne podrške krajnjih korisnika u oblasti poljoprivrede i druga pitanja u vezi sa načinom utroška navedenih namjenskih sredstava.

Prema gornjem Programu, opći ciljevi kandidovanih projekata su utvrđeni u sljedećem pravcu: jačanje partnerstva između neprofitnih organizacija i Grada Tuzle, odnosno izgradnja svijesti o koristi međusobne saradnje i podsticanja održivog dijaloga, u funkciji unapređenja i razvoja sektora poljoprivrede, koji je definisan kao bitan segment ukupnog lokalnog ekonomskog razvoja Grada Tuzle, a putem korisnika prema kojima će se usmjeriti kandidovani projekti.

Putem javnog poziva, koji je bio otvoren od 27.07.2022 do 17.08.2022. godine, i objavljen na službenoj internet stranici Grada Tuzle, a obavještenje o objavljenom javnom pozivu je preuzeto od lokalnih elektronskih medija, iz sredstava sa pozicije Grant organizacijama iz oblasti poljoprivredne proizvodnje, blagovremeno je zaprimljeno šest aplikacija, dok je jedna aplikacija pristigla nakon krajnjeg roka predviđenog za predaju aplikacija. Blagovremeno pristigli projekti su komisijski pregledani i spram propisanih kriterija i podkriterija adekvatno ocijenjeni od strane komisije imenovane rješenjem Pomoćnika gradonačelnika za Službu za ekonomski razvoj, poduzetništvo i poljoprivredu,

Radi se o projektima koje su kandidovali: Udruženje proizvođača povrća u zaštićenom prostoru „OAZA“ Tuzla, za projekat „Proizvodnja povrća u zaštićenom prostoru“, Udruženje građana „FARM“ Tuzla, za projekat „Naše je pravo hraniti se zdravo“, Pčelarsko društvo „Nektar“ Tuzla, za projekat „Edukacija članova društva i stanovništva o ispravnoj dehidrataciji meda“, Udruženje građana „VIS“ Požarnica, za projekat „Edukacija članova UG o proizvodnji i sjenazi djeteline“, Udruženje Centar za poljoprivredni inženjering i marketing, za projekat „Uzgoj aronije za maksimalno iskorištenje zemljišnog potencijala“ i Udruženje poljoprivrednika BiH – Udruženje poljoprivrednika TK, za projekat „Tradicionalni BH proizvodi i usluge u funkciji ruralnog razvoja, .

Komisija za ocjenu i vrednovanje kandidovanih projekata, primjenjujući utvrđene kriterije ocijenila je da svi naprijed navedeni projekti, osim projekta kojeg je kandidovalo „Udruženje proizvođača i otkupljivača „EKOPRO“, Dragunja, (aplikacija je pristigla nakon krajnjeg roka predviđenog za predaju, te ista nije uzeta u razmatranje), ispunjavaju uslove i kriterije iz Programa utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije - Grant organizacijama iz oblasti poljoprivredne proizvodnje – ekonomski kod 614311/17, za 2022. godinu, broj:04/11-A-10401-2022, od 21.06.2022. godine, te da su kandidovani projekti fokusirani na ostvarivanje ciljeva u prioritetoj oblasti-poljoprivreda, definisanih istim Programom.

Nakon što su adekvatno vrednovani, šest projekata uvršteno je u **Program raspodjele sredstava za podršku projekata organizacija iz oblasti poljoprivredne proizvodnje**, za 2022. godinu (u daljem tekstu: Program), koji je prikazan u sljedećem tabelarnom pregledu.

Program raspodjele sredstava za podršku projekata organizacija iz oblasti poljoprivredne proizvodnje za 2022. godinu

RB	Nosilac realizacije projekta	Naziv projekta	Iznos finansijskih sredstava (KM)
1.	Udruženje proizvođača povrća u zaštićenom prostoru „OAZA“ Tuzla	Proizvodnja povrća u zaštićenom prostoru	3.000,00
2.	Pčelarsko društvo „Nektar“ Tuzla	Edukacija članova društva i stanovništva o ispravnoj dekrizalizaciji meda	3.000,00
3.	Udruženje građana „VIS“ Požarnica	Edukacija članova UG o proizvodnji i sjenaži djeteline	3.000,00
4.	Udruženje Centar za poljoprivredni inženjering i marketing	Uzgoj aronije za maksimalno iskorištenje zemljišnog potencijala	3.000,00
5.	Udruženje građana „FARM“ Tuzla	Naše je pravo hraniti se zdravo	3.000,00
6.	Udruženje poljoprivrednika BiH – Udruženje poljoprivrednika TK	Tradicionalni BH proizvodi i usluge u funkciji ruralnog razvoja	3.000,00
	U K U P N O		18.000,00

Ovim Programom, za predviđene oblike podrške iz prihvaćenih projekata, u okviru raspoloživih sredstava u iznosu od **20.000,00 KM**, raspoređena su sredstva u iznosu od **18.000,00 KM**.

Implementacijom prihvaćenih projekata iz programa raspodjele obezbijedit će se postizanje ciljeva u okviru prioritetne oblasti - poljoprivreda, i to: očuvanje dostignutog nivoa i obima poljoprivredne proizvodnje u do sada podržanim vrstama proizvodnje, razvoj i očuvanje seoskih područja, pružanje podrške poljoprivrednim proizvođačima u edukaciji, zastupanju interesa poljoprivrednih proizvođača, podizanje nivoa svijesti i animiranje za bavljenje poljoprivrednom proizvodnjom, unapređenje plasmana poljoprivrednih proizvoda i promocija domaće poljoprivredne proizvodnje i mogućnosti ruralnog razvoja

Prema Odluci o izvršavanju Budžeta Grada Tuzla za 2022. godinu, sredstva raspoređena ovim Programom, mogu se realizovati nakon što Program, usvoji Pomoćnik gradonačelnika za Službu za ekonomski razvoj, poduzetništvo i poljoprivredu.

Krajnji rok za realizaciju Programa, odnosno implementaciju planiranih aktivnosti iz prihvaćenih projekata, je 31.12.2022. godine.

Sredstva ovog Programa će biti doznačena odabranim implementatorima, odnosno nosiocima realizacije projekata, u jednokratnom iznosu, nakon obostranog potpisivanja ugovora o regulisanju međusobnih osnosa u vezi realizacije sredstava raspoređenih Programom, uz obavezu da Službi za ekonomski razvoj, poduzetništvo i poljoprivredu Grada Tuzla dostave narativni i finansijski izvještaj sa pratećom dokumentacijom kojom se dokazuje namjenski utrošak doznačenih sredstava.

Nakon realizacije Programa ova Služba će pripremiti i prezentirati Gradonačelniku i Gradskom vijeću Tuzla, informaciju o realizaciji i korištenju programskih sredstava.

**Pomoćnik gradonačelnika
za Službu za ekonomski razvoj, poduzetništvo i poljoprivredu**

Dr. sc. Zijad Lugavić, dipl. oec.